

Headlines

- सदन दे दौनें सदनें दी कार्रवाई लगातार 5में दिन बी बाधित रेही।
- मोदी सरकार सेहत सैक्टर गी सस्ता ते सौक्खा बना करदी ऐ, आखेआ केंद्री मंत्री मनसुख मांडविया होरें।
- भविक्ख दी चुनौतियें कन्नै निब्बड़ने लेई नौजवानें गी शिक्षा ते हुनर कन्नै सशक्त बनाने दी लोड़ ऐ, आखेआ केंद्री मंत्री पीयूष गोयल होरें।
- देशै च तकरीबन 202 उत्कृष्टता केंद्र स्थापित कीते गे न आखेआ केंद्री मंत्री जयंत चौधरी होरें।



Par Adjourn

बरोधी धड़े आसेआ बक्ख-बक्ख मामलें-जि'आं इक मशहूर कारोबारी समूह खलाफ गुज्जखोरी दे कथित आरोपें ते उत्तर-प्रदेश दे संभल च हिंसा दे मामले गी लेइयै कीते गेदे बरोध-प्रदर्शन ते हंगामे करी अज्ज संसद दे दौनें सदनें दी कार्रवाई लगातार 5में दिन बी बाधित रेई। लोकसभा ते राज्यसभा दी कार्रवाई दिन भर लेई स्थगित करी दिती गेई। लोकसभा च अज्ज जि'आं गै कार्रवाई शुरू होई तां बरोधी धड़े कांग्रेस, लेफ्ट ते डीएमके दे सदस्यें हंगामा जारी रक्खेआ जेह्दे चलदे सदन दी कार्रवाई गी पैहले दपैह्नी 12 बजे तगर लेई स्थगित करी दिता गेआ। स्पीकर ओम बिरला होरें कम्मकाज चलाने दी कोशिश कीती पर कांग्रेस, लेफ्ट ते डीएमके दे सदस्यें हंगामा जारी रक्खेआ जेह्दे चलदे स्पीकर होरें बरोधी धड़े दे सदस्य, सदन दे बिच्चो-बिच्च आई गे ते उनें बक्ख-बक्ख मामलें पर चर्चा दी मंग गी लेइयै नारेबाजी शुरू करी दिती जहाजरानी मंत्री सर्बानन्दच सोनोवाल होरें तटीय जहाजरानी विधेयक 2024 पेश कीता। पीठासीन अधिकारी होरें बक्ख बक्ख मुद्दे पर विपक्ष दे स्थगन नोटिस गी नामंजूर करी दिता ते हंगामा करा र दे सदस्यें सोयां अपील कीती जे ओहू सदन दी कार्यवाही सुचारू ढंगै सिर चलन देन पर विपक्ष पर इसदा कोई असर नेई होआ। राज्यसभा च भी विपक्ष नै इनें मुद्दे गी लेईए हंगामा कीता। कांग्रेस, समाजवादी पार्टी, आम आदमी पार्टी, डीएमके दे सदस्यें दे हंगामे बश्कार सभापति जगदीप धनखड़ होरें प्रश्ना काल चलाने दी कोशिश कीत पर एहू म्मकिन नेई होई सकेआ इस करी सदन दी कार्यवाही दिन भरै आस्तै स्थगित करी दिती गेई। इसदे थ्वा पैहले बडलै जिसलै कार्यवाही शुरू होई तां सभापति होरें विपक्षी सांसदे आस्सेआ दिते गेदे स्थगन नोटिस गी खारिज करी

दिता। सभापति होरें सदस्यें सोयीं सदन दी कार्यवाही चलन देने दा आग्रह कीता, लेकिन शोर-शराबा जारी रेहा, जिसदे मगरा सदन दी कार्यवाही 12 बजे तक आस्तै स्थागित करी दिती गई।

<><><><><><>

Giriraj-Opp

केंद्री मंत्री गिरिराज सिंह नै संसद दे कम्मकाज च रूकावट पाने आस्तै विपक्ष पर करारियां चोटां कीतियां। संसद दे बाहर अज्ज मीडिया आहलें कन्नै गल्लबात करदे होई उनें कांग्रेस ते होरनें विपक्षी दलें पर लोकतंत्र पर भरोसा नैई रखने दा आरोप लाया ऐ। उनें इब्बी आखेआ ऐ जे संस दी कार्यवाही च इस चाल्ली दी रूकावट पाने कन्नै लोकें दे पैसें दी बर्बादी होआ करदी ऐ। तोआई दुई बक्खी कांग्रेस दे वरिष्ठ नेता मनीष तिवारी होरें आखेआ ऐ जे सरकार गी इक मुख कारोबारी खलाफ कथित तौर उपपर रिश्तखोरी दे आरोपें सनें बक्ख-बक्ख मामलें उपपर विपक्ष दे प्रस्तावें गी स्वीकार करना चाहीदा। उनें केंद्र उपपर इलजाम लाया ऐ जे ओह जानी बुज्जियै संसद च चर्चा नैई होन दिंदा।

<><><><><><>

RS Ethanol

सरकारै आखेआ ऐ जे पेट्रोल च इथनोल दे मिश्रण कन्ने पिच्छले बरे दे नवम्बर महीनें थवा इस बरे दे अक्तूबर महीनें तगर 28 हजार 4 सौ करोड रपे थवा मता दी बचत होई ऐ। राज्यसभा च पेट्रोलियम ते कुदरती गैस सरबन्धी राज्यमंत्री सुरेश गोपी होरें इक लिखित परते च एह जानकारी दिती। उनें आखेआ जे सरकार नै इथनोल गी डीजल च मित्रित करने आस्तै कोई योजना नैई आन्दी ऐ।

<><><><><><>

Mandviya-Briefing

केंद्री मंत्री मनाख मांडविया होरें आखेआ ऐ जे नरेंद्र मोदी सरकार सेहत खेत्तर गी सस्ता ते सौक्खा बना करदी ऐ। अज्ज नमीं दिल्ली च मीडिया कन्नै गल्लबात करदे होई दस्सेआ ऐ जे देश च 2014 बरे च 387 मेडिकल कॉलेज हे पर इक दहाके च इंदी गिनतरी दोगुणा बढ़ियै 780 होई गई ऐ। उनें आखेआ जे आयुष्मान प्रधानमंत्री जन आरोग्य योजना दे तैहत 70 बरे ते ओहदे थमां बढ़ उम्मी दे लोकें गी मुफ्त इलाज दी स्थूलत उपलब्ध करोआई गई ऐ। उनें इब्बी दस्सेआ ऐ जे इस योजना तैहत 12 करोड परोआरें गी 5 लक्ख रपे तगर दे मुफ्त

इलाज दी सुविधा हासल होई ऐ। उनें अगगे इब्बी आखेआ जे मोदी हुंदी अगुवाई च सेहत खेत्तर च पूरा पराता कम्म होआ करदा ऐ।

<><><><><><>

RNU Raising Day

आकाशवाणी दा क्षेत्रीय समाचार एकांश जम्मू औंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बड्डलै साड्डे 9 बजे, 30एं मिंटें दा इक विशेष कार्यक्रम प्रसारत कीता जाह्ग जेह्दे च क्षेत्रीय समाचार एकांश दी भूमका, जिम्मेवारिएं ते कम्म करने दे तौर-तरीकें दे अलावा, इत्थे कम्म करी चुके दे अधिकारिएं कन्नै गल्लबात बी शामिल होग।

अपने कर्मिएं दी हौसला-अफज़ाई लेई, ऐकती स्थापना दिवस दे मौके पर उनें'गी सम्मानित बी कीता जाह्ग जिंदे च 2024 ब'रे दे बेह्तरीन समाचार सम्पादक, डोगरी ते गोजरी दे बेह्तरीन समाचार वाचक ते अनुवादक, बेह्तरीन जिला संवाददाता ते जनरल स्टाफ श्रेणी च बेह्तरीन कर्मी दे सम्मान शामिल न। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैह्योग ते जोगदान देने आह्लें गी बी सम्मानित कीता जाह्ग।

<><><><><><>

PM-Film

प्रधानमंत्री नरेंद्र मोदी अजज संसद भवन दे बालयोगी आडीटोरियम च हिंदी फिल्म द साबरमती रिपोर्ट दिक्खडन। एहू फिल्म फरवरी 2002 च गुजरात च होए दे गोधरा रेल अग्रिकांड पर आधारित ऐ। पिछले म्हीने सोशल मीडिया दी इक पोस्ट च मोदी होरें आखेआ ऐ जे एहू खरा ऐ जे सच्चाई सामने आवा करदी ऐ ते ओहू बी नेहू तरीके कन्नै जिसी लोक दिक्खी सकंगन। उनें आखेआ हा जे फर्जी कहानी किन्ने चिर तगगर गै टिकी सकदी ऐ, आखरकार सच्च ते इक दिन जरूर सामने औंदा ऐ।

<><><><><><>

Met-JK

मौसम विभाग नै पेशनगोई कीती ऐ जे पच्छमी ब्हाएं दी गड़बड़ी दा असर जम्मू-कश्मीर खेत्तर च पौग जेदे चलदे अज्ज संज्ञा मगरा बडुलै तगर उच्चियें धारें ते बक्ख-बक्ख इलाकें इलाकें च हल्की बरखा ते बर्फबारी दी संभावना ऐ। आकाशवाणी जम्मू दे संवाददाता दी रिपोर्ट मूजब मौसम विभाग नै दस्सेआ ऐ जे एहदे मगरा खुश्क मौसम बापस औने दी मेद ऐ जेहड़ा 7 दिसंबर तोड़ी खुश्क रौह्ग। 8 दिसंबर गी उच्चियें धारें ते किश-किश इलाकें च हल्के दर्जे दी बरखा ते बर्फबारी होने दी मेद ऐ। एहदे मगरा 12 दिसंबर तोड़ी फ्ही मौसम खुश्क रौह्ग। खित्ते च ठंडू आहले हालात बने दे रौहंगन।

<><><><><><>

Goyal-Youth

केंद्री बपार ते उद्योग मंत्री पीयूष गोयल होरें भविक्ख दी चुनौतियें गी शिखा ते हुनर कन्नै सशक्त बनाने दी जरूरतै पर जोर भेरआ ऐ। अज्ज नमीं दिल्ली च 29में सी.आई.आई सांझेदारी शिखर सम्मेलन 2024 गी संबोधित करदे होई आखेआ ऐ जे भारत इक ऐसे मुल्ख दे तौर उप्पर वर्ग कन्नै खड़ोते दा ऐ जेड़ा अपनी संस्कृति ते परम्पराएं गी बरकरार रखदे होई अगगे बधा करदा ऐ।

<><><><><><>

LS -SKILL

कौशल विकास और उद्यमिता मंत्री जयंत चौधरी होरें आक्खेआ ऐ जे मुल्ख भरै च 202 उत्कॉष्टता सरबंधी केन्द्र कायम कीते गए ना। एदे लेई हुनर सरबंधी परिषद दी सहायता बी लैती गई ऐ। लोकसभा च इक लिखित सोआले दे परते च मंत्री होरें दस्सेआ जे हुनर सरबंधी परिषदें च कम्म कीता जा र दा ऐ ते मंत्रायल नै एदे लेई उद्योगें गी बी शामिल कीता ऐ। उनें आक्खेआ जे संगठनं दी अगुवाई उद्योगें आस्सेआ कीती जा र दी ऐ। ते एहू सारे मंत्रायल कन्ने तालमेल बनाईए कम्म करपा र दे ना। मंत्री होरें आक्खेआ जे उत्कृष्टता सरबंधी केन्द्रें गी पन्थान देने दा मकसद होर मती पारदर्शिता, जवाबदेई, आनाना ऐ। उनें आक्खेआ जे हुनर विकास ते उद्यमिता सरबंधी मंत्रालय ने एदे लेई दिशा निर्देश बी जारी कीते दे ना। उनें आक्खेआ जे पी एम सुर्या धर स्कीम दा सल्लख इक लक्ख नोकियां ऐ।

<><><><><><>

PMAY-G-Reasi

रियासी दे जिला प्रशासन नै प्रधानमंत्री आवास योजना ग्रामीण 2024 दी पैहलकदमी लेई आवेदन शुरू करने दी घोशणा कीती ऐ। इस मुख् आवास योजना दा मकसद ग्रामीण इलाकें च परोआरें गी किफायती ते टिकाऊ आवास उपलब्ध करोआना ऐ जिंदे च बेहतर रौहने दी स्थिति गी यकीनी बनाना ऐ ते सब्भनैं आस्तै आवास दे नजरिये कन्नै तालमेल बनाना ऐ।

<><><><><><>

Dmu-Train

उधमपुर था पठानकोट बश्कार चलने आली डीएमयू रेल गड्डी हुन अगले त्रै म्हीनैं लेई बंद रहौगा। एहू गड्डी पैहली दिसम्बर था बद होई गेई ऐ ते एहू 28 फरवरी 2025 तगर बंद रहौगा।

<><><><><><>

Prez. IRS Officer

राश्ट्रपति द्रौपदी मुर्मू होरें आखेआ ऐ जे भारती राजस्व सेवा दे अफसरें दी बवस्था ते प्रशासनिक मुल्लें गी सांझा कीता गेआ ऐ। अज्ज राश्ट्रपति भवन च अफसरें गी संबोधित करदे होई उनें आखेआ जे एहू सेवा देशै दे कर प्रशासन च इकरूपता गी बढ़ावा दिंदी ऐ। राश्ट्रपति होरें आखेआ ऐ जे आई.आर.एस दे अफसर केंद्र सरकार, कारोबार ते बक्ख-बक्ख राज्यें दे कर प्रशासनें बश्कार इक महत्वपूर्ण कड़ी ना। उनें आखेआ जे आई.आर.एस दे अफसर देशै दी आर्थिक सीमाएं दे समक्ष ना। राश्ट्रपति होरें अफसरें गी दस्सेआ ऐ जे होरनैं मुल्लें कन्नै बपार सरबन्धी समझौतें च उंदी भूमिका मते महत्वै आहली होग।

<><><><><><>

Dar Public-Issues

कृषि ग्रामीण विकास ते पंचायती राज मंत्री जावेद अहमद डार होरें अज्ज जम्मू-कश्मीर च पेश आवा रदे मुद्दें दा समें सिर नबेड़े गी यकीनी बनाने आस्तै जोर भरेआ। एहू गल्ल मंत्री होरें सिविल सचिवालय जम्मू च बक्ख-बक्ख प्रतिनिधिमंडलें कन्नै गल्लबात दौरान आक्खी। मंत्री होरें आखेआ जे सरकार लोकें दे मुद्दें गी सुनने ते उनेंगी सुलझाने ते आम लोकें गी बगैर कुसै परेशानी दे सेवा उपलब्ध करोआने लेई बचनबद्ध ऐ। डार होरें आम लोकें दे मुद्दें गी सुलझाने लेई सरकार दी बचनबद्धता गी दोहराया। मंत्री होरें जन शकैतें गी हल करने च तेजी कन्नै कार्रवाई करने दी जरूरतै पर जोर भरेआ।

<><><><><><>